

行五常守五戒成就人格之道

古德云：人成佛成，先成就人格，方能成道。成就人格，首重五常：仁、義、禮、智、信。此乃做人基本原則。仁者，孝養父母，侍奉師長，慈心不殺為基礎。凡是處世待人，心存厚道，己所不欲，勿施於人，深恤民疾，不起煩惱。義者，言行舉止，無不公正合宜，不起竊心，不佔便宜，不偏不倚，俯仰無愧。禮者，潔身自愛，知節用和，克己制慾，不涉姦亂，端正心思，以德治事。智者，隨順不染，明白事理，平心靜氣，不瞋不怒，不感情用事，守正而不亂。信者，君子處世無信不立，與人交往言必合宜，言必忠信，敏事慎行，不輕諾，不妄言，言既出，事必行。此五常者，成就人格之本，行之可謂修善積德之人。並須力行勤修五戒善業：一、不殺生，仁也；二、不偷盜，義也；三、不邪淫，禮也；四、不妄言，信也；五、不飲酒，智也。修持五戒，以成就人格。

歲次丙申年端午

蔡榮林



敬書